



**BOSNA I HERCEGOVINA  
PARLAMENTARNA SKUPŠTINA  
PREDSTAVNIČKI DOM  
KOMISIJA ZA FINANSIJE I BUDŽET**

Broj: 01/4-011-556/01  
Sarajevo; 10.09.2001.god.

**IZVJEŠTAJ**

**sa 16. sjednice Komisije za finansije i budžet održane 10.09.2001.god. od 11,00**

Sjednici su prisustvovali sljedeći članovi:

Ljubomir Kovačević, Prvi zamjenik predsjedavajućeg komisije  
Zdenko Vukić, Drugi zamjenik predsjedavajućeg komisije  
Boro Bjelobrč  
Dragi Stanimirović  
Ramiz Vilić  
Salih Kulenović

Našid Oruč, sekretar

Sjednici nisu prisustvovali sljedeći članovi:

Mirko Baković  
Tihomir Gligorić

Za sjednicu je predložen i usvojen sljedeći:

**DNEVNI RED**

1. Presentacija (Nacrta) i utvrđivanje finalnog komisijskog izvještaja o izvještaju o izvršenoj reviziji Ministarstva vanjskih poslova.

2. Prezentacija (Nacrta) i utvrđivanje finalnog komisijskog izvještaja o izvještaju o izvršenoj reviziji Ministarstva civilnih poslova i komunikacija.

3. Prezentacija (Nacrta) i utvrđivanje finalnog komisijskog izvještaja o izvještaju o izvršenoj reviziji Ministarstva vanjske trgovine i ekonomskih odnosa.

I.

- U radu sjednice sa Komisijom je zajednički radila i Komisija za finansijske i administrativne poslove Doma naroda.

- U okviru OSCE Projekta podrške Parlamentu sjednici su prisustvovali Robert Beecroft, Šef Misije OSCE-a u Bosni i Hercegovini i Svein Ludvigsen, Zamjenik predsjedavajućeg Norveškog Parlamenta.

- Kao gosti sjednice prisustvovali su i predstavnici adekvatnih komisija entitetskih parlamenata:

- Zahid Mustajbegović, Predsjednik Odbora za ekonomsku i finansijsku politiku Predstavničkog doma Parlamenta Federacije BiH i Amra Muzur, Sekretar Odbora.
- Dr Arapčić Tarik, Zamjenik predsjedavajućeg Komisije za ekonomsku i razvojnu politiku, finansije i budžet Doma naroda Parlamenta Federacije BiH, Suada Muminagić, Član Komisije za ekonomsku i razvojnu politiku, finansije i budžet Doma naroda Parlamenta Federacije BiH i Hajro Skorupan, Sekretar Komisije.

Sjednici nije prisustvovao Đojo Arsenović, Predsjednik Komisije za privredu i finansije Narodne skupštine Republike srpske, koji je takođe pozvan.

II.

Uvodnu riječ je dao dr Ljubomir Kovačević, Prvi zamjenik predsjedavajućeg Komisije obrativši se prisutnima povodom smrti Predsjedavajućeg Komisije Nedžada Šašivarevića. Prisutni su minutom ćutnje odali posljednju poštu Nedžadu Šašivareviću.



Nakon toga dr Kovačević je dao riječ Robertu Beecroftu koji je zahvaljujući se na pozivu na današnju sjednicu, održao pozdravni govor i dao podršku tekućem radu komisija.

Komisije su nastavile sjednicu u radnom dijelu u prisustvu predstavnika komisija entitetskih parlamenata, te gosp. Ludvigsena koji je učestvovao u razgovorima i komentarima na sačinjene komisijske izvještaje.

Radni dio sjednice je otpočeo u skladu sa dnevnim redom, ali je 1. tačka dnevnog reda zbog najave privremenog odsustva Izvještača Bore Bjelobrka odgođena za posljednju.

Radni dio sjednice se odvijao do 16 sati uz pauzu za ručak (13.40-14,10) i potom predavanjem "Jačanje unutarnje kontrole" u terminu 14,10-14,50 kojim se u okviru Projekta podrške parlamentu, komisijama i gostima obratila Lena Anderson ispred Švedskog nacionalnog instituta za reviziju.

III. Komisije su nakon razmatranja nacrtu usvojile predložene komisijske izvještaje uz primjedbe:

- 1) da se komisijski izvještaji naslove tipski – Komisijski izvještaj o izvještaju o izvršenoj reviziji.....
- 2) da se izvrše korekcije Komisijskog izvještaja o izvještaju o izvršenoj reviziji u odnosu na njegov Nacrt:
  - da se briše drugi pasos u dijelu "Uvod" Nacrta Izvještaja za Ministarstvo vanjskih poslova
  - da se u dijelu "Prijedlozi koje podnosi manjina" Nacrta Izvještaja za Ministarstvo vanjskih poslova evidentira stav Dr Ljubomira Kovačevića ( i stav Momčila Novakovića, Komisija za finansijske i administrativne poslove) u vezi sa tačkom 10.5 poglavlja "Prijedlog Komisije" da rebalans budžeta ne može biti opravdanje za prekomjernu budžetsku potrošnju.
- 3) da se u dijelu "Prijedlog komisije" u sva tri izvještaja dodaju stavovi
  - da se Uredu za reviziju finansijskog poslovanja uputi inicijativa za proširenje područja revizije tako da uključuje i reviziju učinaka.
  - da se obaveže Komisija za finansije i budžet odnosno Komisija za finansijske i administrativne poslove da prate realizaciju mjera koje utvrdi Dom, te da o tome redovno podnose izvještaju Domu.
- 4) da se u dijelu "*Komisije preporučuju Domu naroda PSBiH i Predstavničkom domu PSBiH da*" Nacrta izvještaja za Ministarstvo vanjske trgovine i ekonomskih

odnosa u drugom stavu iza riječi "tekućem periodu na" ubace riječi "eliminisanju prekoračenja budžetske potrošnje"

- 5) da se u dijelu "Komisije preporučuju Domu naroda PSBiH i Predstavničkom domu PSBiH da" Nacrta izvještaja za Ministarstvo civilnih poslova i komunikacija u trećem stavu iza riječi "tekućem periodu na" ubace riječi "eliminisanju prekoračenja budžetske potrošnje"
- 6) da se unificira naslovnica za sva tri izvještaja
- 7) da se prečiste tekstovi komisijskih izvještaja.
- 8) Komisije su zaključile da se komisijski izvještaji o izvršenoj reviziji ministarstava u skladu sa poslovnica domova upute domovima na dalju proceduru.

Zaključeno je da se 11.09.2001.god.u 13 sati, povodom izrade prvih komisijskih izvještaja o izvršenoj reviziji ministarstava , održi konferencija za štampu. Na konferenciji bi učestvovali predsjedavajući obje komisije i po jedan izvještač za svaki komisijski izvještaj odnosno ( Dr Ljubomir Kovačević, Jerko Ivanković, Šefik Džaferović, Boro Bjelobrck), s tim da Jerko Ivanković nastupi u dvostrukoj ulozi. Na sjednici je takođe gođp. Ludvigsenu upućen poziv za učešće na Konferenciji što je gosp. Ludvigsen prihvatio.

Komisijski izvještaj o izvještaju o izvršenoj reviziji Ministarstva vanjskih poslova, Komisijski izvještaj o izvještaju o izvršenoj reviziji Ministarstva civilnih poslova i komunikacija i Komisijski izvještaj o izvještaju o izvršenoj reviziji Ministarstva vanjske trgovine i ekonomskih odnosa se smatraju sastavnim dijelom izvještaja sa 16.sjednice Komisije za finansije i budžet .

Prvi zamjenik  
predsjedavajućeg Komisije

Dr Ljubomir Kovačević

